



Broj: 16-12-16-4569-10 /21
I. Sarajevo, 06.09.2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 70. Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke za potrebe Državne agencije za istrage i zaštitu u 2021. godini broj 16-12-16-4569/21 od 22.07.2021. godine, u postupku javne nabavke materijala za opravku i održavanje zgrada za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke materijala za opravku i održavanje zgrada za potrebe Državne agencije za istrage i zaštitu

Član 1.

U postupku javne nabavke materijala za opravku i održavanje zgrada za potrebe Državne agencije za istrage i zaštitu, putem konkurentskog zahtjeva za dostavljanje ponuda, a na preporuku Komisije za provođenje postupka nabavke broj 16-12-16-4569/21 od 22.07.2021. godine, ugovor u postupku javne nabavke materijala za opravku i održavanje zgrada na period od dvije godine, dodjeljuje se za:

- LOT-1 Nabavka elektro materijala za opravku i održavanje zgrada, ponuđaču „PENNY PLUS” d.o.o. Sarajevo, ponuda broj 16-12-16-4569-7/21 od 13.07.2021. godine, za ponudenu cijenu od 21.938,35 KM bez uračunatog PDV-a;
- LOT-2 Nabavka vodovodnog, stolarskog, molersko-farbarskog materijala i alata za opravku i održavanje zgrada, ponuđaču „PENNY PLUS” d.o.o. Sarajevo, ponuda broj 16-12-16-4569-8/21 od 13.07.2021. godine, za ponudenu cijenu od 19.050,00 KM bez uračunatog PDV-a.

Član 2.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

Član 3.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 4.

Ova odluka stupa na snagu danom donošenja.

Obrazloženje

Odlukom direktora Državne agencije za istrage i zaštitu (u daljem tekstu: Agencija), broj 16-12-16-4569-1/21 od 09.06.2021. godine pokrenut je postupak javne nabavke materijala za opravku i održavanje zgrada za potrebe Agencije, procijenjene vrijednosti 40.000,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-7-1-186-3-59/21 od 01.07.2021. godine. Novčana sredstva za realizaciju navedene nabavke obezbijedena su u okviru budžetskih sredstava za 2021. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period april-juni 2021. godine („Službeni glasnik BiH“, broj 22/21) i Dokumenta okvirnog budžeta 2021.-2023. godina.

Predmet javne nabavke podjeljen je na lotove:

- LOT-1 Nabavka elektro materijala za opravku i održavanje zgrada-cijena bez uračunatog PDV-a 20.000,00 KM;
- LOT-2 Nabavka vodovodnog, stolarskog, molersko-farbarskog materijala i alata za opravku i održavanje zgrada-cijena bez uračunatog PDV-a 20.000,00 KM.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 6. Konkurentskog zahtjeva navedeno da je rok za dostavljanje ponuda 13.07.2021. godine do 13.00 sati, te da se ponude dostavljaju u zatvorenoj koverti, Komisija je dana 13.07.2021. godine u 14:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da su u ostavljenom roku pristigle tri ponude na Pisarnicu Agencije.

Na javnom otvaranju ponuda nije bilo prisutnih predstavnika ponuđača.

Blagovremeno su dostavljene tri ponude i to:

R.br.	Broj protokola	Naziv ponuđača	Datum i sat prijema ponuda
1.	16-12-16-4569-6/21	„SENIGOR“ d.o.o. Sarajevo	12.07.21.g. u 14:30 h
2.	16-12-16-4569-7/21	„PENNY PLUS“ d.o.o. Sarajevo	13.07.21. g. u 10:59 h
3.	16-12-16-4569-8/21	„PENNY PLUS“ d.o.o. Sarajevo	13.07.21. g. u 11:00 h

R.br.	Naziv ponuđača	Ponudena cijena u KM (bez PDV-a)
1.	„SENIGOR“ d.o.o. Sarajevo	LOT-2=22.947,33
2.	„PENNY PLUS“ d.o.o. Sarajevo	LOT-1=21.938,35
3.	„PENNY PLUS“ d.o.o. Sarajevo	LOT-2=22.765,19

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: ZJN), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

U cilju ocjene tehničkih uslova navedenih u Konkurentskom zahtjevu, Komisija se aktom broj 16-12-16-4569/21 od 16.07.2021. godine obratila Sektoru za materijalno-finansijske poslove Agencije, tražeći mišljenje po pitanju prekoračenja procijenjene vrijednosti nabavke za LOT-1, tačnije, da li u budžetu Agencije za 2021. godinu postoje novčana sredstva neophodna za realizaciju nabavke za predmetni LOT, obzirom da vrijednost ponude ponuđača „PENNY PLUS“ d.o.o. Sarajevo iznosi 21.938,35 KM bez uračunatog PDV-a, dok je procijenjena vrijednost nabavke za navedeni LOT 20.000,00 KM bez uračunatog PDV-a, te da odstupanje tehnički zadovoljavajuće ponude iznosi 1.938,35 KM. Komisija je posebno istakla činjenicu da je navedeni ponuđač jedini učesnik u postupku javne nabavke za LOT-1. Na naprijed traženo mišljenje, Komisija je zaprimila odgovor Sektora za materijalno-finansijske poslove Agencije, sa obrazloženjem da je sa finansijskog aspekta moguće obezbijediti dodatna sredstva za predmetni LOT, naročito imajući u vidu činjenicu da je procijenjena vrijednost izvršena na osnovu cijena važećeg Okvirnog sporazuma, te da je evidentno da je na tržištu došlo do rasta cijena, kao i da se obim isporuke roba odnosi na period od dvije godine, da su količine okvirne i da stvarna potrošnja zavisi od iskazanih potreba.

Uvidom u sadržaj dostavljenih ponuda, a cijeneći mišljenje stručnih lica Agencije, Komisija je utvrdila da ponuđači „SENIHOR“ d.o.o. Sarajevo i „PENNY PLUS“ d.o.o. Sarajevo ispunjavanju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Takođe, Komisija je utvrdila da navedeni ponuđači ispunjavaju i formalno-pravne uslove postavljene u Konkurentskom zahtjevu

Obzirom da je za postupak javne nabavke materijala za opravku i održavanje zgrada za potrebe Agencije, Konkurentskim zahtjevom predviđeno provođenje e-aukcije, u skladu sa odredbama Pravilnika, a imajući u vidu da su od dvije pristigle ponude za LOT-2 obje prihvatljive, Komisija zakazuje e-aukciju za dan 22.07.2021. godine za LOT-2 sa početkom u 10:00 sati, u trajanju od 10 minuta. Komisija posebno ističe činjenicu da je za LOT-1 zaprimljena jedna ponuda, te u skladu sa članom 3. stav (3) Pravilnika e-aukcija se neće provoditi za naprijed navedeni LOT.

Komisija je dostavila Izvještaj o radu sa preporukom o izboru najpovoljnijeg ponuđača a prema Izvještaju o toku i završetku e-aukcije od 22.07.2021. godine, te sačinila konačnu rang listu ponuđača koji su učestvovali u postupku e-aukcije za predmetni postupak javne nabavke, kako slijedi:

LOT-2

Redni broj	Naziv ponuđača	Vrijednost ponude (bez PDV-a)	Rang
1.	„PENNY PLUS“ d.o.o. Sarajevo	19.050,00 KM	1
2.	„SENIHOR“ d.o.o. Sarajevo	19.100,00 KM	2

Cijeneći naprijed navedeno, prihvaćena je preporuka Komisije i odlučeno da se ugovor u postupku javne nabavke materijala za opravku i održavanje zgrada za potrebe Agencije dodjeli ponuđaču „PENNY PLUS” d.o.o. Sarajevo za LOT-1 i LOT-2, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste.

Žalba se podnosi putem Državne agencije za istrage i zaštitu. Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima (x2);
- Sektoru za mat.-fin. poslove;
- a/a.

